

# ያኑሲ ማድ"ም ዳኪንቴ ጳውሎስ ላሞዓሲ ዲሞቴዎስም ዳኬ ኪኢቶ" ዓይያ ካሮ"

ሓይ፡ ጳውሎስ ዲሞቴዎስም ፃኣፔ ላሞዓሳ ኪኢታ"፡- ዒዛኮ ዴማ" ማዒ፡ ዎላ" ማዳያ ማዔ፡ ዳጌህ፡ ዲሞቴዎስም ባሽ ዘር ዘራያኬ፡ ማርጌና ዒ ዘራህ፡ ጊቢ" ዳንዳዒህ ዛለኬ፤ ዲሞቴዎስ ዘራንቴህ ዩሱስ ኪሪሰቶስ ዛሎ" ጉሙርቂንቴ ማርካዳንዳጉዲ፡ ኪሪሰቶስ ዛሎ" ኮዥ ሃይሶና ማናኣ ጫኣቃህ ማፃኣፓ ዔርዘ ባኮ ኮሽ" ዶዲ ዒ ዓርቃንዳጉዲና ዎዚ ሜቶና ዒዲንቴና ማርጌቶዎ ያኑሲ ቃኣሎ" ዔርዚያና ኮዥ ሃይሶ ኬኤዚያ ማድ"ዎ ዶዲ ማዳንዳጉዲኬ።

ዲሞቴዎስም ባሽና ላቲ" ኬኤዚንቴ ባካ፡ ዔኤያቶና ፓሡዎ ማርሚህናይዳፓ ሃካንዳጉዲኬ፤ ዓይጎር ጌዔቴ ዩያጉዳ ባኣዚ" ዎይዛ ዓሶ ባይዚህዳፓ ዓታዛ ሜሌ" ማኣዳ" ባኣዚ" ባኣሴ።

ዩያ ቢያና ዲሞቴዎስ ማላንዳያ ኮይሴህ፡ ጳውሎስኮ ናንጋ ዎማዲ ማዔቴያ፡ ጌይያ፡- ዒዛኮ ያኑሲ ጉሙርቂያ፡ ጊቢ" ዳንዳዒያ፡ ናሹዎ፡ ዶዲዎና ዒዲ ዳኪንቴያና ሃህ ዒዛ ሄሌ" ማታህ ዒ ማላታ ማሂ ናንጋንዳጉዲኬ።

## ማፃኣፔላ ዲማ ዲማ ዓርቄ ባኮ

- ዓይያ ካሮ" 1፡1-2
- ጳውሎስ ጋላቲ ጋላቶ"ና ዘሬ ዘሮ" 1፡3—2፡13
- ዲሞቴዎስ ማዳንዳጉዲ ዓይህንቴ ባኮና ላቲ" ኬኤዚንቴ ባኮ 2፡14—4፡5
- ጳውሎስ ዒ ዓኣ ጎይያ ኬኤዜህ 4፡6-18
- ጋፒንህ ሃይሴ 4፡19-22

1 ዩሱስ ኪሪሰቶስና ጳጳሪ ናንጎኮ ሃጊ ማዓንዳ ዎዞ" ጎይያ ያኑሲ ማላህና ዩሱስ ኪሪሰቶስ ማድ"ም ዳኪንቴያ ማዔ፡ ጳውሎስይዳፓ ዳኪንቴ ኪኢታ፡-

2 ታኣኒ ናሽካ ናዓህ፡ ዲሞቴዎስም፤

ያኑሲ፡ ዳዳህና ኑ ጎዳህ፡ ዩሱስ ኪሪሰቶስኮ ኮሹዎ ዒንጊያና ማኣሪያና ሃህ ዎዞ"ና ኔኤም ማያንጎ።

**ጊሞቴዎሴም ዘርና ዘር**

3 ቢያ ዎዴ ዋንቴና ሮኦሪና ኔ ዛሎ" ማሊ ማሊ ታ ሺኢቃኣና ቤርታኣ፥ ታ ዓዶንሢጉዲ ጌኤሺ ዒናፓ ታ ካኣሸካ ያኣዛሢ ታ ጋላታኔ።

4 ኔ ዩኤኪ ዓቢቴ ዓቢያ ታ ዋሊ "ባኣሴ፤ ዩያሮ ሚርጌና ዒና" ታኣኮ ዎዛዳንዳጉዲ ኔና ዛጋኒ ታ ኮዓኔ።

5 ኔኤኮ ዓኣ ጎኔ፥ ያኦሲ ጉሙርቁያ ታ ጳቂሣኔ፤ ዩያጉዳ ጉሙርቁያ ቤርታ ኔ ዓሆ ሎይዴይዳ ሃሣ ኔ ዒንዶ ዔዌንቁይዳ ዓኣያኬ፤ ሃሢ ኔኤኮዎ ዩያጉዲ ዓኣሢ ታ ዔሬኔ።

6 ዩያሮ ታ ኔ ዑፃ ኩጮ ጌሣም ኔ ዔኬ፥ ኔ ጊዳ" ዓኣ ያኦሲኮ ዒንጊያ ማዶይዳ ፔኤሺ" ኔ ዲቻንዳጉዲ ታ ኔኤም ኬኤዛኔ።

7 ዓይጎር ጌዔቴ ያኦሲ ኑም ዒንጌሢ' ዎልቁንታ ናሹሞንታ ዒንጋያ፤ ሃሣ ኑና ኑ ዔሪ ዎይሣንዳ ዓያና ማዓንዳኣፓዓቴም ዒጊቹሞ ዓያናቴዎሴ።

8 ዓካሪ ኑ ጎዳሢ ዛሎ" ዓሶም ማርካዳኒ ሴልቁፖ፤ ሃሣ ዒዛ ዛሎ"ሮ ቱኡቴ፥ ታ ዛሎ"ሮዎ ሴልቁፖ፤ ያኦሲ ኔኤም ዒንጋ ዎልቆና ኮዦ ሃይሶ ዛሎ"ሮ ታኣና ዎላ" ሜታዴ።

9 ዒዚ ኑኡኒ ማዴ ኮዦ ማዶሮቱዋንቴ ፔ ማሊያና ፔኤኮ ኮሹሞ ዒንጊያና ዳቂሺ፥ ያኦሲም ዲማዴያ ማዒ ናንጋንዳጉዲ ኑና ዔኤሌ"ኔ፤ ዩያ ኮሹሞ ዒንጊያ ሚርጌ ዎዴኮ ቤርታ ዩሱሰ ኪሪሰቶሴ ዛሎ"ና ኑም ዒንጌኔ።

10 ዩይ ያኦሲኮ ኮሹሞ ዒንጊያ ኑና ዳቂሺ፥ ዩሱሰ ኪሪሰቶኮ ሙኪያና ሃሢ ፔጋዲ ዔርቴኔ። ዒዚ ሃይቢኮ ዎልቁ ባይዚ ኮዦ ሃይሶ ዛሎ"ና ሃይቢባኣ፥ ናንጊና ናንጊ ኑም ዳዌኔ።

11 ታኣኒያ ዩያ ኮዦ ሃይሶ ኬኤዛያ፤ ዩያ ማዶ"ም ዳኪንቴያ ሃሣ ዔርዛያ ማዒ ደኦሪንቴኔ።

12 ሐያ ታ ሜታሢ ዔካሢ ዩያሮኬ፤ ጋዓንቴ ታኣኒ ሃያ ሜቶ ዔኪያና ሴልቁዎሴ፤ ዓይጎር ጌዔቴ ያና ጉሙርቃቴያ ታ ዔሬኔ፤ ታ ዒዛም ሃዳርሲ ዒንጌ ባኮ ዩኖ ኬሎ" ሄላ"ንዳኣና ዒ ካፓኒ ዳንዳዓሢ ታ ጉሙርቃኔ።

13 ታ ጊዳ"ፓ ኔ ዎይዚ ዔሬ ቃኣሎ" ማላታ ማሢ ዩሱሰ ኪሪሰቶሴና ኑኡኮ ዓኣ ፔቱሞ ዛሎ"ና ጴዳ ጉሙርቁያና ኮሹሞና ደዲሺ ዓርቁ።

14 ኑ ጊዳ" ዓኣ ዓያኖ ጌኤዦ ዛሎ"ና ኔና ጉሙርቁ ኔኤም ዒንጊንቴ ባኮ ካፔ።

- 15 ዲሲያይዳ ዓኣ ዓሳ ቢያ ታና ሃሺ"ሢ ኔ ዔራኔ፤ ዔያቶ ባኣካ" ፔጌሎሴና ሄርሞጌኔሴና ዓኣኔ።
- 16 ጎዳ፡ ዮኔሰፖሬ ማኣሮ ዓሶ ማኣዶ"ንጎ፤ ዓይጎሮ ጌዔቴ ዔያታ ሚርጌ ዎዴ ታና ያኔጪ ዶዲሺኔ፤ ሃሃ ታ ቱኪ"ንቴሢሮ ሙኪ ታና ያኔጪዎዎ ሰልቂ ሃሺ"ባኣሴ።
- 17 ዲዚ ሮሜ ዓጮ" ሙካዎ ሚርጌና ኮይ ታና ዴንቄኔ፤
- 18 ጋፒንዎ ኬሎ"ና ጎዳ ዲዛም ኮሺ ማደንጎ፤ ቤርታ ታ ዔፕሶኔይዳ ዓኣና ዲ ዎማይዲ ታኣም ማዴቴያ ኔ ኮሺ" ዔራኔ።

## 2

### ኪሪሰቶሴ ማደ" ዛሎ" ያልታ ዓሲ ማዒሢ

- 1 ዓካሪ ታ ናዓሢዮ! ዬሱስ ኪሪሰቶሴ ዛሎ"ና ጴዳ ኮሹሞ ዒንጊዎና ዶዴ።
- 2 ሚርጌ ማርካ ማዓ ዓሶ ቤርታ ታጊዳፓ ኔ ዎይዚ፥ ዔሬ ዔራቶ" ሜሌ" ዓሲ ዔርዛኒ ዳንዳዓያ፤ ሃሃ ጉሙርቁንታ ዓሲም ሃዳርሲ ዒንጌ።
- 3 ኔኔኒ ዬሱስ ኪሪሰቶሴኮ ማደ" ዛሎ" ያልታ ጉሙርቁንታ ዓሲ ማዒ፥ ማታሢ ኑኡና ዎላ" ጊቢ" ዳንዳዔ።
- 4 ፖኦሊሴ ማዔ ዓሲ' ፖኦሊሶ ዓይሃሢ ዎዛሳያ ማዓኒ ጊኢኔያ ማዓንዳኣፓዓቴም ፖኦሊሴም ኮይሱዎ ባኣዚ"ዳ ጌሉዎሴ።
- 5 ዬያጉዲ ሃሃ ጳሺ ጳሽካ ዓሲ ዓይሢንታ ጎይዎም ጳሽኪባኣያታቴ ጳዠና ባሺ ዴንቆ ባኮ ዔኩዎሴ።
- 6 ዶዲ ጎሽካ ዓሢ' ሃኣኮ ካዲሲ ሙዓ ዓሶይዳፓ ቤርታዳሢ ማዓንዳያ ኮይሳኔ።
- 7 ጎዳሢ ቢያ ባኣዚ"ና ጳቂሥሢ ማሊሢ ኔኤም ዒንጋንዳሢሮ ታ ኔኤም ጋዓ ባኮ ቢያ ዒና ዔኬ።
- 8 ሓይባ"ፓ ዔቁሢ፤ ሃሃ ዳውቴ ዜርፃሢ ማዔ፥ ዬሱስ ኪሪሰቶሴ ማሌ፤ ታኣኒ ኬኤዛ ኮዠ ሃይሳ ዬያኬ።
- 9 ዬያ ኮዠ ሃይሶ ኬኤዚዎ ዛሎ"ና ፑርቲሴ ዓሲጉዲ ቱኡቴ ሜቶ ታ ሃሢ ዔካኔ፤ ያኦሲኮ ቃኣላ" ጋዓንቴ ቱኡቴዎሴ።
- 10 ዬያሮ ዔያታ ዬሱስ ኪሪሰቶሴ ዛሎ"ና ጴዳ ዳቁንቶና ናንጊና ናንጋ ቦንቾ ዴንቃንዳጉዲ ሃሃ ያኦሲ ዶኦሬ ዓሶሮ ጌዒ ቢያ ባኣዚ" ታ ዳንዳዓኔ።
- 11 «ዒዛና ዎላ" ኑ ሃይቁቶ ዒዛና ናንጊና ኑ ናንጋንዳኔ።
- 12 ጊቢ" ዳንዳዒሢና ዶዴያ ኑ ማዔቴ ዒዛና ዎላ" ኑ ካኣታዳንዳኔ።

ዲዛ ኑ <ዔሩዋሴ> ጌዔቴ ዲዚያ ኑና <ዔሩዋሴ> ጋዓንዳኔ።  
 13 ኑኡኒ ጉሙርቁንቱዋያ ማዔቴ  
 ዲዚ ፔና <ዔሩዋሴ> ጋዓኒ ዳንዳዑዋአሢሮ ጉሙርቁንታያ  
 ማዒ ናንጋንዳኔ»  
 ጋዓ ቃአላ" ጎናዲ ዔርቴያኩ።

**ያኑሲ ባአዚ" ደዲ ማዳ ዓሲ**

14 ሐያ ባኮ ዔያቶም ኮሺ" ከኤዜ፤ ዩይያ፡- ጌይንቴ ባአዚ"ዳ  
 ዔያታ ማርሚ ሸሩዋጉዲ ያኑሲ ማርካ ማሂ ዔያቶም ላቲ"  
 ከኤዜ፤ ዓይጎር ጌዔቴ ዩይ ማርማሢ ዋይዛ ዓሶ ባባይዛጋዓቴም  
 ዓይጎዋ ማአዲ"ዋሴ።

15 ጎኔ ያኑሲ ቃአላ" ፒዜ ዔርዛያ፣ ማዳ ማዳ"ናአ ቦርሲንቱዋ  
 ዓሲ፤ ሃሣ ዔርቴ ማዳ ዓሲ ማዒ ኔና ያኑሲ ቤርቶ ሸኢሻኒ ደዴ።

16 ሐያ ዓጮ" ባአዚ" ማዔያ፣ ሃሣ ጉሪ ጌሰቲ ሸር ጌኤዛጋ  
 ሃኬ፤ ዓይጎር ጌዔቴ ዩያጉዳ ሃይሳ ዓሲ ያኑሲዳጋ ሃኪሳሢሮኬ።

17 ዔያቶኮ ጌኤዛ ጋፀዋ ከሢጉዲ ያዕርሳታያኬ፤ ዔያቶ ባአካ"  
 ሄሜኔዎሴና ፒሊያሴና ዓአኔ።

18 ዩንሢ ዓሳ፡- «ሐይቄ ዓሶኮ ሃይባ"ጋ ዔቁፃ ቤርታ ማዒ  
 ጋፔኔ» ጌይ ጌይ ማርማሢና ጎኑም ጎይፃጋ ዳሲንቴ ከሰኪ ፔቴ"  
 ፔቴ" ዓሶኮዋ ጉሙርቁያ ዣአሊሳኔ።

19 ያዒ ማዔቴያ፡- «ጎዳ ፔኤም ማዔዞንሢ ዔራኔ» ዩያጉዲ  
 ሃሣ፡- «ጎዳ ማአዲ"ም ዔኤላ" ዓሲ ቢያ ፑርታ ባአዚ"ዳጋ ሃኮንጎ»  
 ጋዓ ማላታ ዓይሢንቴ ዓአ፣ ዓጊፀዋ ያኑሲ ዔቁሴ ቦኑኮላሢ ዔቁ  
 ዓአ ጎይሃኬ።

20 ፔቴ" ዴኤፒ ማአሪዳ ዎርቄና ቢራ ዓንጊናይዳጋ ኮሺ"ንቴ  
 ሜሄ ሌሊ ዓአያቱዋንቴ ሚሢና ዓጪናይዳጋ ኮሺ"ንቴ ሜሄያ  
 ዓአኔ። ዩያቶይዳጋ ዛላ" ቦንቹንታ ማዳም ማዓያ፤ ዛላ" ጊንሣ  
 ዳካ" ማዳም ኮይሳያኬ።

21 ዓካሪ ያኑኒያ ፔ ቶኦኮ" ዩንሢ ፑርቶ ባኮንሢዳጋ ጌኤሺ"  
 ካፔቶ ቦንቾ ማዳ"ም ማዔያ፣ ያኑሲም ዳማዳያ፣ ፔ ጎዳሢማአ  
 ኮይሳያ ሃሣ ኮሺ ማዳም ቢያ ጊኢጌ ሜሄ ማዓንዳኔ።

22 ፑርታ ማዔ፣ ዴጋቶ ሱኡኬይዳጋ ሃኬ፤ ጌኤሺ ዒኔና ጎዳ  
 ካአሽካ ዓሶና ዎላ" ማዒ ዪሉ"ዋ፣ ያኑሲ ጉሙርቁሢ፣ ናሹሞንታ  
 ኮሹሞንታ ዓአያ ማዒ ናንጌ።

23 ዑራ ማኸሢ ዔሪ ዔኤያቶ" ጌኤዘና ጋሡዋ ማርማሢና  
 ሃሺ"።

2:12 ማቴ. 10:33፤ ሉቃ. 12:9፤ ገይ. ማፃ 16:5።

24 ጎዳ ዩሱሴም ማዳ ዓሲ፡- ቢያ ዓሲም ሸሌዔ፥ ዓሲ ዔርዛኒ ደንዳዒያ ሃሣ ዔኤቢ ገቢ" ደንዳዒያ ማዓንዳኦጋዓቲዎ ሀ-ሀ-ራዳንዳያ ኮይሱዋሴ፤

25 ጎኑም ዔያታ ዔራንዳጉዲ ያኦሲ ዔያቶም ጎሞ ጎያንቲ ዓቶም ጋዓንዳያ ናንዳኔ ገዒ ዒዛ ዒፃ ፑርቶ ዓሶ ሸሌዐ-ሞና ፒዚሳያ ማዓኒ ኮይሳኔ።

26 ዩያይዴቲ ዔያቶኮ ዒና" ማዔም፥ ፃላሂ ፔ ማሊያ ዔያታ ከንሣንዳጉዲ ዔያቶ ዓይሣ ፒራሣዳጋ ዔያታ ቶላ"ንዳኔ።

### 3

#### ጋፒንፆ ዎደ"ና ማዓንዳ ፑርቶ ባኮ

1 ጋፒንፆ ሀ-ካኣና ማታሳ ዎዴ ዩዓንዳሣ ዔሬ፤

2 ዓሲ ፔና ናሽካያ፥ ሚኢሼሮ ጎጋይቃያ፥ ሄርሺንታያ፥ ያቶርቃያ፥ ጫሽኪንታያ፥ ሾዔ ዓሶም ዓይሣንቲዎያ ኮሺ ማደና ዛላም ማሂ ማሉዎያ፥ ጌኤሹሞባኣ ዓሲ፥

3 ናሹሞባኣ ዓሲ፥ ዓሲና ዎላ" ገኢጋኒ ኮዑዎ ዓሲ፥ ዓሲ ደንካያ፥ ፔና ዔሪ ዎይሠ-ዎያ፥ ዓሲ ሚጨንቲዎያ፥ ኮሺ ማዔ ባኣዚ" ቢያ ዒፃያ፥

4 ጉሙርቂንቲዎ ዓሲ፥ ዔኤቢ ዔሩዎፆ ሩኡራያ፥ ጉሪ ሆኦሊ"ንታያ፥ ያኦሲዳጋ ባሼ ፔኤም ኮሽካ ባኣዚ" ናሽካያ ማዓንዳኔ።

5 ያኦሲ ጎኔ ካኣሽካያ ማላፆ ጎኔ ካኣዠኮ ዎልቆ ጉሙርቂዎያ ማዓንዳኔ፤ ዩያጉዴ ዓሶጋ ሃኬ።

6 ዩያታ ዓሳ ዓሲኮ ማኣሪ ዔርቲዎ ጎይሣና ጌሊ ጌሊ ሚርጌ ጎሚ ማዳያ ሃሣ ዲማ ዲማ ፑርታ ሱኡኬና ናንጋ፥ ዓያና ላቤ" ላኣሎ ደቢሻ ዓሶኬ፤

7 ዩያጉዴ ላኣሎ ቢያ ዎዴ ዔርዛኔ፤ ጋዓንቲ ጎኑም ዔያታ ዔራኒ ማሊ ደንዳዑዎያኬ።

8 ዒያኔሴና ዒያምቤሬሴ ጎፆዘንሣ ሙሴ ዒፃ ማኬሣ ጎይፆ ዩንሣ ዓሳ ማሊያ ዔያቶኮ ፑርቲያ ሃሣ ያኦሲ ጉሙርቂያ ዛሎ"ና ደቢንቲያ ማዔሣረ ጎኑም ዔያታ ዒፃ ማካኔ።

9 ዒያኔሴና ዒያምቤሬሴናኮ ዔኤያታ ፔጋዲ ዔርቲሣጉዲ ዩንሣ ዓሶኮዎ ዔኤያታ ዓሲ ቢያ ቤርታ ፔጋዲ ዔርታንዳሣረ ዔያቶም ገኢጋዓኬ።

ጳውሎሴ ጊዮቲዎሴም ላቲ" ኬኤዜ ባኮ

10 ኔኤኒ ጋዓንቴ ታኦኮ ዔርዚያ፡ ታ ናንጌ ናንጎ፡ ታ ማላ ማሊያ፡  
ያኦሲ ጉሙርቁያ፡ ገቢ" ዳንዳዒያ፡ ናሹሞና ዶዶሞና ዛገ ዔሬኔ፤

11 ዬያጉዲ ሃሃ ዒዲንቴ ታ ዳውሲንቴ ዎድ"ና ታኦና ዎላ"  
ሜታሢያ ኔ ዔኬኔ፤ ዓንጾኪያና ዒቆኒዮና ሊሰደራናይዳ ታና ሄሌ"  
ባከና ገቢ" ታ ዓኦሃ ዳውሲንቴያ ኔ ዔሬኔ፤ ጎዳ ጋዓንቴ ዬያ  
ቢያይዳፓ ታና ዳቂሼኔ።

12 ዬሱሰ ኪሪሰቶሴ ገንጾ ሃንታያ ማዒ ዓያና ናንገ ናንጋኒ  
ኮዓዘንሢ ቢያ ዒዲንቴ ዳውሲንታኔ።

13 ፑርቶ ዓሶና ጌሻ ዓሶና ጋዓንቴ ዓሲ ዳቢሺ ዳቢሺ፡ ሃሃ ፔ  
ቶኦኮ"ዎ ዳቢንቴ ፑርቱሞይዳ ፑርቱሞ ቃሲ" ቃሲ" ዳንዳኔ።

14 ኔኤኒ ጋዓንቴ ዎይዜሢና ዔሬ ጎኑሞና ዶዶ፤ ዓይጎር ጌዔቴ  
ኔኤኒ ዬያ ጾ ገዳ"ፓ ዔኬቴያ ዔሬሢሮኬ።

15 ጌኤዮ ማፃኦፖ ናኦቶፓ ዓርቁ ኔ ዔሬኔ፤ ዬንሢ ጌኤዮ  
ማፃኦፖንሢ፡- ዬሱሰ ኪሪሰቶሴ ጉሙርቁያና ጴዳ፡ ዳቂንታ ባንሢ  
ሄሊ"ሳኒ ዳንዳዒ ዔሬቶ ዓኦዘንሢ።

16 ጌኤዮ ማፃኦፓ ቢያ ያኦሲ ዓያና ማሊሴም ፃኦፒንቴያኬ፤  
ዬይያ፡- ጎኑሞ ዔርዚ፤ ዳቢንቴ ዓሶ ዘራ፤ ዳቢንቶዎ ገኢገሻኒና  
ፒዜ ናንገም ኮይሳ ማሊሢ ዒንጋኒ ማኦዳ"ያኬ።

17 ማኦዳ" ጎይፃ" ያኦሲ ዓሲ ኮሺ ማዶም ቢያ ገዳያ ማዒ  
ጴዳንዳጉዲ ማሃያናኬ።

### 4

1 ያኦሲ ሃሃ ሹምፖና ዓኦ ዓሶና ሃይቁ ዓሶና ዑፃ ዎጋኒ፡ ካኦቴ  
ማዒያ ዎይሢ ሙኪ ጴዳንዳ ዬሱሰ ኪሪሰቶሴ ማርካ ማሂ ታ ኔና  
ሺኢቃኔ፤

2 ያኦሲ ቃኦሎ" ኬኤዜ፤ ገኢጌቴያ ገኢገላኦቴያ ዶዶ ማዶ፤  
ዓሶም ኬኤዚ ኬኤዚ ሃሃ ጎሪ" ጎሪ"፡ ዘሪ ዘሪ፡ ገቢ" ዳንዳዒሢና  
ዬያጉዲ ቃኦሎ" ዔርዚሢናኦ ዶዶ።

3 ዓይጎር ጌዔቴ ዓሳ ያኦሲ ቃኦሎ" ዎይዚ ዔካኒ ኮዑዎ ዎዶ  
ሙካንዳሢሮኬ፤ ጋዓንቴ ዓሳ ዔያቶ ናሻ" ሓይሴ፡ ሃሃ ዔያታ  
ዎይዚ ኮዓ ሃይሶ ኬኤዛንዳ ፔኤኮ ዔርዛ ዓሲ ቡኩሳንዳኔ።

4 ዔያታ ጎኔ ባኦዚ" ዎይዚያ ዒዲ፡ ጉሪ ሃይሴ ዎይዚሢ  
ናሽካንዳኔ።

5 ኔኤኒ ጋዓንቴ ቢያ ባኦዚ" ዔሬ ካፒንቴ ናንጌ፤ ኔ ገዳ" ሙካ  
ሜቶዎ ገቢ" ዳንዳዒ፤ ሃሃ ኮዮ ሃይሶ ኬኤዚያ ማዶ"ዎ ዶዶ

3:11 ዳኪ. ማዶ" 13፡14-52፤ 14፡1-7፤ 14፡8-20።

ማዳ፤ ያኑሲም ኔ ማዳ ዓሲ ማዔ ጎይያና ኔ ማዳኒ ኮይሳ ባኮ ቢያ ማዲ ኩንህ።

6 ታኣኒ ጋዓንቴ ያኑሲም ዒንጎ ባኣዚ" ማዒ ዒንገንታኒ ዑኩኔ፤ ሃያ ዓጮ"ይዳፓ ዲማዲ ታ ዓኣዳንዳ ዎዳ" ሄሌ"ኔ፤

7 ያኑሲ ጉሙርቂያ ዛሎ"ና ዓኣ ያሎ ሚርጌና ታ ያልቴኔ፤ ጳዦጥ ጋፒንያ ሄላ"ንዳኣና ታ ጳሽኬኔ፤ ሃህ ያኑሲ ጉሙርቂያ ካኣዦጥ ታ ካፒኔ።

8 ዓኣካሪ ዒሎ" ማዒ ናንጌህረ ዒንገንታ ካኣቶ"ኮ ቶኣካ" ዓጎህጉዴ ቦንቾ ባካ ታኣም ገኢገንቲ ታና ካፓንዳኔ፤ ዬያ ባኮ፡ ፒዜ ዎጋያ ማዔ ጎዳህ ዬኖ ኬሎ"ና ታኣም ዒንጋንዳኔ፤ ዬይ ታኣም ሌሊቱዎንቴ ዒዛኮ ሙኪ ጴዲያ ጳቂህ ካፓዘንህም ቢያ ዒንገንታንዳኔ።

**ጳውሎሴ ፔ ዛሎ" ጊዋቴዎሴም ኬኤዜህ**

9 ኔ ታ ኮይላ" ዑኩ ሙኩቲ ቃራኬ፤

10 ዴማሴ ሃያ ዓጮ" ናንጎ ናሽኪ፥ ታና ሃሺ"፥ ቴሰሎንቄ ዓኣዳኔ። ታ ኮይላ"ፓ ቁርቂሴ ጋላቲያ፤ ሃህ ቲቶ ዲልማዲያ ዓኣዳኔ።

11 ታ ኮይላ" ሃህ ዓኣህ ሉቃሴ ሌሊኬ። ማርቆሴ ማዶ"ም ታኣም ኮይሳያታህረ ኔኤና ዎላ" ዒዛ ዓኪ ሙኩ።

12 ቲኪቆሴ፡ ዔፕሶኔ ታ ዳኬ።

13 ኔኤኒ ሙካዎ ዲሮዓዳይዳ ካርፑሴ ጎዎህ ኮይላ" ታ ሃሺ" ዓኣዳ ታኣኮ ዴኤፖ ኮኣቶና ማሪንቴ ማፃኣፖ ባሺ ቢራኖ ማፃኣፖ \* ዎሎ"ዎዎ ዓኪ ሙኩ።

14 ዒሰከንዲሮሴ ጎዎ ገታህ ፑርታ ማዶ ታኣም ማዳኔ፤ ጎዳ ዒ ማዳ ማዶ"ጉዴያ ዒዛም ዒንጋንዳኔ።

15 ዒዚ ኑ ኬኤዛ ኮዦ ሃይሶ ዒዲ፥ ማኬህረ ኔኤኒ ዒዛ ዔሪ ካፒንቴ።

16 ታና ዎጌና ዓርቂሴ ባኮሮ ቤርታሲ ጌኤዞ ማሂያ ኬኤዛኒ ታ ሺኢኬ ዎዶ"ና ቢያህ ታ ጌዳ"ፓ ዲማዴያፓዓቲም ያኣኒያ ታኣና

**4:10** ቆላ. 4፡14፤ ፒልሞ. 24፤ 2ቆሮ. 8፡23፤ ጋላ. 2፡3፤ ቲቶ 1፡4። **4:11** ቆላ. 4፡14፤ ፒልሞ. 24፤ ዳኪ. ማዶ" 12፡12፤ 25፤ 13፡13፤ 15፡37-39፤ ቆላ. 4፡10።

**4:12** ዳኪ. ማዶ" 20፡4፤ ዔፕ. 6፡21-22፤ ቆላ. 4፡7-8። \* **4:13 ማሪንቴ ማፃኣፖና ቢራኖ ማፃኣፖ**- ጋዓህ ዬኖ ዎዶ"ና ማፃኣፓ ፃኣፒንታህ ዬኖ ባኮይዳኬ፤ ማሪንቴ ማፃኣፓ «ፓፕራሴ» ጎዎ ሚያኮ ቁኤሪፓ ኮሾ"ያ ማዓዛ ቢራኖ ጌይንታህ ዒልዒዳፓ ኮሾ"ያኬ። **4:13** ዳኪ. ማዶ" 20፡6። **4:14** 1፻ዎ. 1፡20፤ ዓይኑ. 62፡12፤ ሮሜ 2፡6።

ዎላ" ማዒ ታና ማአዳ" ዓሲ ባአሴ። ዩያ ያኑሲ ዔያቶኮ ደቢንቲ ማሂ ዓርቆፓ።

17 ጋዓንቴ ኮዠ ሓይሳ ታ ዛሎ"ና ጉቤ ኬኤዚንታንዳጉዲና ዓይሁዴ ማዒባአ ዓሳ ዋይዛንዳጉዲ ጎዳ ታአና ዎላ" ማዒ ታና ደዲሽኔ፤ ሃሃ ዘቦ" ዳንጋፓአ ታና ዳቂሽኔ።

18 ጎዳ ዓይሳዎ ማዎም ፑርታ ባአዚ"ዳፓ ቢያ ታና ዳቂሻንዳኔ፤ ጫሪንጫ ዓአ ዒዛኮ ካአቱሞይዳአ ታና ዒ ጌልዛንዳኔ፤ ዒዛሞ ናንጊና ቦንቾ ማዎንጎ፤ ዓአሜን።

**ጋፒንሢ ሳራሥሢ**

19 ጲሪሰቂላና ዓቂላናም፤ ሃሃ ያኔሰፖሬ ማአሮ ዓሶሞ «ኮሺዳ?» ጌዔኔ፥ ጌዔ።

20 ዔራሰዎሴ ቆሮንቶሴይዳ ዓቴ"ኔ፤ ጂሮፒሞሴ ሐርጊንቴሢሮ ሚሊዲዳ ታ ዒዛ ሃሽ"ኔ።

21 ባርጎ ዎዳ" ሄሎ"ሞንቴ ታ ኮይላ" ኔ ሙኬቴ ቃራኬ። ዔውቡሉሴ፥ ጲዴሴ፥ ሊኖሴ፥ ቂላውዲያና ሃሃ ኪሪሰቶሴ ጉሙርቃ ዓሳ ቢያ «ኮሺዳ?» ኔና ጋዓኔ።

22 ጎዳ ኔኤና ዎላ" ማዎንጎ፤ ያኑሲኮ ኮሹሞ ዒንጊፆ ኔኤም ማዎንጎ።

---

4:19 ዳኪ. ማዶ" 18:2፤ 2፯ሞ. 1:16-17። 4:20 ዳኪ. ማዶ" 19:22፤ ሮሜ 16:23፤ ዳኪ. ማዶ" 20:4፤ 21:29።

**Maale New Testament**  
**The New Testament in the Maale language of Ethiopia**  
copyright © 2007 Bible Society of Ethiopia

Language: (Male)

Contributor: Bible Society of Ethiopia

**Maale New Testament**

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

---

PDF generated using Haiola and XeLaTeX on 22 May 2026 from source files dated 13 May 2025

48f5fdf1-90d6-5bff-b666-a2b8b5d20de1